



PROGRAM
SUFINANSIRANJA SAMOZAPOŠLJAVANJA
START UP 2015

Sarajevo maja/svibnja 2015. godine

SADRŽAJ

1.	Osnov za donošenje, izvor finansiranja i nosioci realizacije Programa	3
2.	Cilj Programa.....	3
3.	Ciljna grupa/Korisnici.....	3
4.	Poticajna mjera	3
5.	Raspodjela predvidenih sredstava za realizaciju Programa	3
6.	Priprema za realizaciju Programa	4
7.	Javni poziv	4
8.	Prijava na javni poziv	4
9.	Provjera podataka i potpisivanje ugovora sa korisnicima sredstava	5
10.	Pravdanje i isplata odobrenih sredstava	5
11.	Kontrola i praćenje izvršenja ugovornih obaveza.....	6
12.	Indikatori za nadgledanje/monitoring i ocjenu/evaluaciju uspješnosti efekata zapošljavanja ..	6
11.1	Ulazni podaci	6
11.2	Aktivnosti	6
11.3	Izlazni podaci/rezultati	6
11.4	Učinak.....	7

1. Osnov za donošenje, izvor finansiranja i nosioci realizacije Programa

U skladu sa Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), Strategijom jačanja funkcije posredovanja u javnim službama za zapošljavanje u Federaciji BiH, te ciljevima iz Programa rada Federalnog zavoda za zapošljavanje za 2015. godinu, sačinjen je Program sufinansiranja samozapošljavanja START UP (u daljem tekstu: Program).

Za realizaciju Programa predviđena su sredstva u iznosu od 2.640.000 KM.

Federalni zavod za zapošljavanje (u daljem tekstu) Zavod realizuje ovaj Program zajedno sa kantonalnim/županijskim službama za zapošljavanje (u daljem tekstu: Služba/službe).

Izrazi u ovom dokumentu koji su napisani samo u jednom gramatičkom rodu odnose se podjednako na muški i ženski rod..

2. Cilj Programa

Omogućiti podsticaj za najmanje 600 osoba sa evidencije nezaposlenih u Federaciji BiH radi samozapošljavanja i zapošljavanja drugih osoba u novootvorenim poslovnim subjektima.

3. Ciljna grupa/Korisnici

Ciljna grupa /aplikanti /korisnici sredstava su osobe prijavljene na evidenciju nezaposlenih u Federaciji BiH prije podnošenja prijave na Javni poziv, bez obzira na stepen obrazovanja i dob, a koja će registrovati i održati registriranu djelatnost u trajanju od najmanje 15 mjeseci.

U Programu ne mogu učestvovati osobe koje su već koristile kreditna ili bespovratna sredstva iz podsticajnih mjera Zavoda i/ili službi radi pokretanja djelatnosti.

Ukoliko aplikant odustane od realizacije svoje poslovne ideje prije potpisivanja ugovora o sufinansiranju samozapošljavanja ili ne dostavi potrebnu dokumentaciju u ostavljenom roku, sredstva će se odobriti sljedećoj osobi sa liste prijavljenih na Javni poziv..

4. Poticajna mjera

Zavod će osobama, kojima se odobre podsticajna sredstva, nakon što registruju djelatnost i otpočinu sa radom mjesečno isplaćivati/refundirati sredstva, u visini iznosa obaveznih doprinosa utvrđenih zavisno od djelatnosti, u trajanju od narednih 15 mjeseci i to nakon što korisnik dostavi dokaze o uplati istih.

U slučaju zapošljavanja drugih osoba mjesečno će se isplaćivati /refundirati i iznos obaveznih doprinosa na i iz plaće zaposlenih.

Pored toga sufinansirat će i neophodni troškovi pokretanja djelatnosti (troškovi registracije, ljekarskog uvjerenja, taksa, opreme/sredstava za rad i sl.) u iznosu od 200 KM, a isplatit će se po izvršenju pravdanju utrošenih sredstava uz isplatu prvog dijela mjesečne refundacije.

5. Raspodjela predviđenih sredstava za realizaciju Programa

Za realizaciju Programa predviđena je sljedeća raspodjela sredstava:

KANTON	Nezaposlene osobe (31.12.2014.)	70% od 2.640.000,00 prema broju nezaposlenih	30% od 2.640.000,00 linearno	UKUPNO
1. Unsko-sanski	46.341	218.317,13	79.200,00	297.517,13
2. Posavski	5.578	26.278,52	79.200,00	105.478,52
3. Tuzlanski	98.797	465.442,64	79.200,00	544.642,64
4. Zeničko-dobojski	70.462	331.953,59	79.200,00	411.153,59
5. Bosansko-podrinjski	3.636	17.129,56	79.200,00	96.329,56
6. Srednjobosanski	41.804	196.942,86	79.200,00	276.142,86
7. Hercegovačko-neretvanski	33.818	159.320,01	79.200,00	238.520,01
8. Zapadnohercegovački	10.974	51.699,62	79.200,00	130.899,62
9. Kanton Sarajevo	71.415	336.443,27	79.200,00	415.643,27
10. Kanton 10 (Livanjski)	9.440	44.472,79	79.200,00	123.672,79
UKUPNO	392.265	1.848.000,00	792.000,00	2.640.000,00

6. Priprema za realizaciju Programa

U okviru pripremne faze Programa, Zavod:

- informiše javnost o Programu osam (8) dana prije objave Javnog poziva,
- izrađuje obrasce ugovora i izvještaja o plaćanju,
- izrađuje softversku aplikaciju za prijavu na Javni poziv,
- izrađuje aplikaciju (bazu) za unos podataka,
- potpisuje sa službama Sporazum o međusobnoj saradnji u realizaciji Programa.

7. Javni poziv

Zavod objavljuje Javni poziv za učešće u Programu putem sredstava javnog informisanja i internet stranice: www.fzzz.ba. Javni poziv ostaje otvoren do utroška sredstava, tj. do potpisivanja ugovora u vrijednosti raspoloživih sredstava utvrđenih po kantonima.

Osnovne informacije o postupcima, proceduri i aktivnostima iz Programa, nezaposlene osobe dobivaju u Zavodu i službama.

8. Prijava na javni poziv

Fizičko lice se prijavljuje za učešće u Programu putem web stranice Zavoda www.fzzz.ba, te u elektronski obrazac prijave unosi lične podatke i podatke o poslovnoj ideji koju namjerava realizovati, te eventualno podatke o osobama koje želi zaposliti i/ili sa kojima želi zajedno registrovati djelatnost.

Nakon izvršene prijave, a najkasnije u roku od 60 dana, aplikant dostavlja Službi isprintan i svojeručno potpisan **Obrazac prijave** uz koji obavezno dostavlja:

- ovjerenu kopiju rješenja o registraciji djelatnosti, čiji datum je nakon datuma apliciranja na Javni poziv

- *kopiju identifikacionog broja,*
- *podatak o osnovici za obračun obaveznih doprinosa u skladu sa zakonskim propisima*
- *kopiju prijave na obavezna osiguranja u Poreznoj upravi Federacije BiH (Obrazac JS 3100)*
- *ovjerenu kopiju ugovora o radu i kopiju prijave na obavezna osiguranja u Poreznoj upravi Federacije BiH (Obrazac JS 3100) za osobe koje eventualno zapošljava ili s kojima registruje djelatnost,*
- *broj računa u poslovnoj banci na koji će se sredstva doznačiti*

9. Provjera podataka i potpisivanje ugovora sa korisnicima sredstava

Služba provjerava podatke iz prijave (radi utvrđivanja statusa nezaposlenosti, ranijeg učešća u projektima samozapošljavanja i sl.) i dostavljenu dokumentaciju, te nakon što utvrdi validnost iste, u skladu sa raspoloživim finansijskim sredstvima, priprema Ugovor o sufinansiranju samozapošljavanja u tri (3) primjerka koje nepotpisane dostavlja aplikantu uz napomenu da iste potpisane i ovjerene vrati Službi.

Nakon toga, Služba potpisuje i ovjerava primjerke Ugovora i dostavlja Zavodu koji, također, potpisuje i ovjerava primjerke Ugovora.

Zavod zadržava jedan (1) primjerak, a dva (2) primjerka Ugovora vraća Službi, od kojih se jedan (1) primjerak prosljeđuje korisniku.

10. Pravljanje i isplata odobrenih sredstava

Zavod će, nakon zaključivanja Ugovora o sufinansiranju samozapošljavanja, a na osnovu dostavljenog Izvještaja Službe o ispunjavanju uvjeta za isplatu, aplikantu/ima mjesečno u narednih 15 mjeseci isplaćivat/refundirati na račun registrovane djelatnosti odobreni iznos sufinansiranja, i to:

- *iznos obaveznih doprinosa, po dostavljanju Specifikacije uz uplatu doprinosa poduzetnika ovjerene u Poreskoj upravi (Obrazac 2002) i*
- *u slučaju zapošljavanja drugih osoba, iznos obaveznih doprinosa na i iz plaće zaposlenih, i to u trajanju od šest(6) mjeseci, s tim da je maksimalni osnovni iznos sufinansiranja 501,00 KM, što odgovara iznosu obaveznih doprinosa za prosječnu neto plaću u Federaciji BiH za 2014. godinu, prema objavljenom podatku Federalnog zavoda za statistiku ,a sve po dostavljanju Specifikacije uz isplatu plaća zaposlenika u radnom odnosu kod pravnih i fizičkih lica (Obrazac 2001) ovjerene u Poreskoj upravi F BiH , ovjerene i potpisane platne liste osobe koja se sufinansira, uplatnice za pojedinačne isplate plaća, a u slučaju zbirne uplate plaća, kopije izvoda banke iz kojih je vidljiva isplata pojedinačne plaće za sufinansiranu osobu.*

Uz isplatu/refundaciju prvog dijela ugovorene obaveze, a po izvršenju pravdanju utrošenih sredstava, isplatit će se i iznos od 200 KM. na ime neophodnih troškova pokretanja djelatnosti.

U slučaju raskida ugovora o sufinansiranju samozapošljavanja, radi efikasnosti i ekonomičnosti realizacije Programa, sve eventualne izmjene podataka, te obračun i refundaciju do tada opravdanog iznosa sredstava, ugovorne strane prihvataju bez posebnih anexa ovom ugovoru, a uz validnu dokumentaciju koja opravdava te izmjene.

11. Kontrola i praćenje izvršenja ugovornih obaveza

Zavod/Služba će kontinuirano provoditi kontrolu realizacije ugovorenih obaveza, i to:

- *provjerom dokumentacije koju korisnik redovno dostavlja radi pravdanja odobrenih sredstava,*
- *provjerom u bazi podataka Poreske uprave, kojom će se pratiti obaveza održavanja registrovane djelatnosti u predviđenom roku;*
- *prema potrebi, kontrolom provođenja ugovorenih obaveza neposredno kod korisnika.*

Ukoliko se utvrdi da se ugovorene obaveze ne ispunjavaju, Zavod će pokrenuti postupak raskida ugovora.

12. Indikatori za nadgledanje/monitoring i ocjenu/evaluaciju uspješnosti efekata zapošljavanja

Indikatori 11.1, 11.2 i 11.3 su indikatori za nadgledanje/monitoring implementacije Programa, a 11.4 je indikator ostvarenoga učinka.

Zavod i službe će provoditi monitoring i evaluaciju Programa.

Ulazni podaci

- Broj nezaposlenih osoba prijavljenih na evidenciju nezaposlenih, zaključno sa 31.12.2014. godine
- Broj osoba čije je samozapošljavanje planirano/obuhvaćeno tom mjerom
- Iznos planiranih sredstava po toj mjeri
- Prosječan iznos planiranih sredstava po korisniku.

Aktivnosti

- Broj podnesenih i odobrenih aplikacija
- Broj osoba prijavljenih na evidenciju nezaposlenih, prema dobnoj, spolnoj i obrazovnoj strukturi, koje se samozapošljavaju po Programu
- Broj osoba koje pripadaju teže zapošljivoj kategoriji (osobe s invaliditetom i dugoročno nezaposlene osobe- duže od 12 mjeseci), prema dobnoj, spolnoj i obrazovnoj strukturi
- Broj osoba koje pripadaju kategoriji mladih, prema spolnoj i obrazovnoj strukturi
- Iznos odobrenih sredstava po mjeri
- Prosječan iznos odobrenih sredstava po korisniku.

Izlazni podaci/rezultati

- Broj osoba koje su zadržale djelatnost do kraja ugovorenog perioda sufinansiranja
- Broj osoba koje su zadržale djelatnost po isteku ugovorenog perioda sufinansiranja
- Spolna, dobna, obrazovna struktura osoba koje su zadržale djelatnost
- Broj osoba koje su u okviru registrovane djelatnosti zapošljavale i druge osobe
- Broj osoba koje su se zaposlile u okviru novootvorenih djelatnosti
- Spolna, dobna, obrazovna struktura osoba koje su se zaposlile u okviru novootvorenih djelatnosti

- Odobreno/ugovoreno/utrošeno sredstava po mjeri
- Prosječan iznos ugovorenih sredstava po korisniku.

Učinak

- Odnos broja prijavljenih i odjavljenih osoba sa evidencije nezaposlenih radi samozapošljavanja u periodu realizacije mjere, struktura prijave i odjava
- Broj osoba koje su zadržale djelatnost šest, odnosno 12 mjeseci nakon isteka ugovorenog perioda sufinansiranja